



5. juli 2016

Inatsisartut Suleriaasianni § 37 naapertorlugu Naalakkersuisunut apeqqutit imaattut matumuuna saqqummiuppakka:

**Naalakkersuisunut apeqqutit biilnik innaallagiartortunik immiisarneq pillugu:**

**1. Naalakkersuisunut biilnut innaallagiartortunut immiisarfiit qanoq ittut atorniarpaat aamma sooq?**

**2. Nammineq pigisat biilit innaallagiartortut akiliutit atorlugit immertarnissaat periarfissaalissava, soorlu biilit benzinatortut/dieselitortut immertarnerattut?**

**3. Naalakkersuisut immiisarfinnik pilersitsineq/atuisarneq pillugu allanik paasisutissiinnaappat?**

(Inatsisartunut ilaasortaq Tillie Martinussen, Demokraatit)

### **Tunngavilersuut**

Biilit innaallagiartortut takkupput tammaqqittussaajunnaarlutik, tamannalu pitsaasuvoq. Biilit innaallagiartortut mingutsitsineq ajorput aamma nunatsinni angallannermi atugassaqqissuupput aqqusineqaratta naatsunnguanik.

Kisianni soorunami biilit uniittoortassapput atorfissaqartitsilernerminni immiiffissaqanngikkunik. Taamaattumik pingaarutilerujussuvoq biilit innaallagiartortut pisariaqartitsilernerminni "immerneqartarnissaat" biilitulli allatut benzinatortut dieselitortutulluunniit.

Paasisakka naapertorlugit ataatsimut immiisarfiliornissaq ineriartortinneqarpoq inissinneqartussani tamanit atorneqarsinnaanngorlugit. Taakkuli atussangaanni matuersaammik peqartariaqarpoq. Tassunga atatillugu inuttut isumaqarpunga torrallaanerussagaluartugut akiliutit pigeriikkagut atorlugit akiliisalertuugaluarutta immiilernigut tamaasa, ikittuinnaat periarfissaqartinnagit - imaluunniit ajornerusumik - inuit ataasiakkaat immiisarfissaannik pilersitsinata, immiisarfinnilli pilersitsisuugutta kikkut tamarmik tikissinnaasaanni, aamma immiisarfik appunneqarsimagaluarpalluunniit imaluunniit biilimik uninngasumit asserneqarsimagaluarpalluunniit.

Apeqqutit akeqqunearput ullut suliffiit naliginnaasut qulit iluanni.